

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
o odbacivanju Prijave koncentracije
privrednog subjekta Slovenia Broadband S.a.r.l. Luxemburg 61

Sarajevo
septembar, 2014. godine



Broj: 05-26-1-17-9-II/14
Sarajevo, 25.9.2014. godine

Na osnovu člana 25. stav (1) tačka e), člana 42. stav (2), a u vezi sa članom 14. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta Slovenia Broadband S.a.r.l. Luxemburg 61, Rue de Rollingergrund L-2440 Luxemburg, Veliko Vojvodstvo Luxemburg, podnesenoj po advokatu Aleksandru Popoviću, Aleja Svetog Save broj 7b, Banja Luka, Republika Srpska zaprimljenoj dana 12.6.2014. godine pod brojem: 05-26-1-17-II/14, Konkurencijsko vijeće, na 96. (devedestešestoj) sjednici održanoj dana 25.9.2014. godine, donijelo je

Z A K L J U Č A K

1. Odbacuje se Prijava koncentracije privrednog subjekta Slovenia Broadband S.a.r.l. Luxemburg 61, Rue de Rollingergrund L-2440 Luxemburg, Veliko Vojvodstvo Luxemburg, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 12.6.2014. godine pod brojem: 05-26-1-17-II/14, Prijavu koncentracije (u daljem tekstu: Prijava) privrednog subjekta Slovenia Broadband S.a.r.l. Luxemburg 61, Rue de Rollingergrund L-2440 Luxemburg, Veliko Vojvodstvo Luxemburg (u daljem tekstu: Podnosilac prijave ili Slovenia Broadband), podnesenu po advokatu Aleksandru Popoviću, Aleja Svetog Save broj 7b, Banja Luka, Republika Srpska (na osnovu zamjeničke punomoći date dana 19. maja 2014. godine u Beogradu od strane Moračević, Vojnović & Partneri OAD) kojom isti namjerava steći kontrolu nad privrednim subjektom AD Broadband Montenegro, Bulevar Revolucije 66, 81 101 Podgorica, Crna Gora (u daljem tekstu: BBM ili ciljno društvo).

Uvidom u podnesenu Prijavu Konkurencijsko vijeće je utvrdilo da ista nije kompletna u smislu člana 30. stav (1) Zakona o konkurenciji (u daljem tekstu: Zakon) i čl. 9 i 11. Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 34/10), te je od Podnosioca prijave zatražena dopuna iste (akt broj: 05-26-1-17-3-II/14 od dana 4.7.2014. godine).

Podnosilac Prijave je dostavio traženu dokumentaciju, podneskom broj: 05-26-1-17-4-II/14 dana 29.7. 2014.godine.

Po prijemu tražene dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 25.9.2014.godine. godine pod brojem: 05-26-1-17-7-II/14.

Podnosilac prijave je naveo, u smislu člana 30. stav (2) Zakona, da je zahtjev za ocjenu koncentracije podnio osim u Bosni i Hercegovini nadležnim organima za zaštitu konkurencije u ¹(..)** i (..)**¹, te da će Prijava biti podnešena nadležnom organu za zaštitu konkurencije u (..)**.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji

Konkurencijsko vijeće je uvidom u dostavljenu dokumentaciju utvrdilo da je prijava podnesena u smislu člana 16. stav (2) Zakona.

1. Učesnici koncentracije

Učesnici predmetne koncentracije su privredni subjekt Slovenia Broadband S.a.r.l. Luxemburg 61, Rue de Rollingergrund L-2440 Luxemburg, Veliko Vojvodstvo Luxemburg i privredni subjekt AD Broadband Montenegro, Bulevar Revolucije 66, 81 101 Podgorica, Crna Gora.

1.1. Privredni subjekt Slovenia Broadband

Privredni subjekt Slovenia Broadband S.a.r.l. Luxemburg 61, Rue de Rollingergrund L-2440 Luxemburg, Veliko Vojvodstvo Luxemburg je registrovan u Registru trgovine i društava Luksemburga pod brojem: B 145882 dana 30.4.2009. godine, čiji osnovni kapital iznosi 391.166,00 KM (EUR 200.000,00), sa 100,0% vlasničkog udjela privrednog subjekta Adria Bidco B.V. i sjedištem na adresi Fred Roeskestraat 123, 1076 EE Amsterdam, Kraljevina Holandija.

Slovenia Broadband je holding društvo zastupljeno u centralnoj i istočnoj Europi, a prevashodno zemljama zapadnog Balkana.

Osnovne registrovane djelatnosti privrednog subjekta Slovenia Broadband su direktno ili indirekto učešće u upravljanju, vođenju, kontroli i razvoju privrednih subjekata.

Slovenia Broadband može svojim sredstvima osnivati, voditi, vrednovati, vršiti likvidaciju portfolia koga sačinjavaju sve hartije od vrijednosti i patenti bilo kog podrijetla i vršiti druge pravne poslove.

Podnosilac prijave i njegovo matično društvo, privredni subjekt Adria Bidco B.V., kao i sva društva pod njihovom kontrolom su društva koja se nalaze u sklopu SBB-Telemach Grupe.

Društva u sastavu SBB-Telemach Grupe su prevashodno, ali ne i isključivo aktivna u maloprodaji TV sadržaja i usluga široko-pojasnog interneta krajnjim korisnicima u Bosni i Hercegovini, Crnoj Gori, Hrvatskoj, Makedoniji, Srbiji i Sloveniji.

Pored pomenutih aktivnosti, SBB-Telemach Grupa također ima i određene ograničene aktivnosti u veleprodaji kanala.

SBB-Telemach Grupa je u Bosni i Hercegovini prisutna preko svojih povezanih društava aktivnih u maloprodaji TV sadržaja i usluga široko-pojasnog interneta krajnjim korisnicima.

U sklopu SBB-Telemach Grupe u Bosni i Hercegovini nalaze se slijedeći privredni subjekti:

- "TOTAL TV BH" d.o.o. Banja Luka, Ive Andrića 14, Banja Luka, matični broj: 1-17068-00;
- "Telemach" d.o.o. Sarajevo, Džemala Bijedića broj 216, Sarajevo, Ilidža, matični broj: 65-01-0620-08;
- "TELEKABEL" d.o.o. Zenica, Štrosmajerova broj 14, Zenica, matični broj: 43-01-0037-10;
- ADRIA NEWS d.o.o. ul Hifzi Bjelevca broj 5, Sarajevo, Ilidža, matični broj: 65-01-0149-14;
- ADRIA NEWS BH PRODUCTION d.o.o., ul Kolodvorska broj 12, Sarajevo-Novo Sarajevo, matični broj 65-01-0313-14.

Slovenia Broadband je pod posrednom isključivom kontrolom investicionog fonda Kohlberg Kravis Roberts & Co L.P. ("KKR").

KKR je globalno investiciono društvo koje posluje na svjetskom nivou, nudeći širok asortiman alternativnih fondova i drugih investicionih proizvoda investitorima.

1.2. Privredni subjekt AD „Broadband Montenegro“

Privredni subjekt AD „Broadband Montenegro“, Bulevar Revolucije 66, 81 101 Podgorica, Crna Gora je evidentiran kod Centralnog registra privrednih subjekata poreske uprave Crne Gore, pod matičnim brojem: 022811618.

Pretežne registrovane djelatnosti privrednog subjekta BBM su pružanje usluga kablovskih telekomunikacija (usluge realizira maloprodajom audio-vizuelnih sadržaja krajnjim korisnicima).

BBM je kablovski operater sa aktivnostima na teritoriji Crne Gore na području (..)** gradova u kojima prevashodno, ali ne isključivo obavlja djelatnost maloprodaje TV sadržaja krajnjim korisnicima.

BBM vrši snabdijevanje svojih korisnika putem MMDS tehnologije (Multichanel Multipoint Distribution Service), koja se prevashodno koristi kao alternativni metod snabdijevanja kablovske televizije u oblastima u kojima provođenje kablova nije ekonomski opravdano („bežična kablovska“).

BBM nema aktivnosti ili povezana društva u Bosni i Hercegovini.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijima za ocjenu koncentracija privrednih subjekata.

3. Pravni osnov i oblik predmetne koncentracije

Kao pravni osnov ove koncentracije Podnosilac prijave je dostavio, u smislu člana 30. stav (1) tačka a) Zakona i člana 9. tačka f) alineja 5. Odluke o načinu podnošenja prijave i kriterijima za ocjenu koncentracija privrednih subjekata, Pismo o namjerama potpisano dana 24. aprila 2014. godine u Podgorici od strane privrednog subjekta (..)** sa sjedištem u ul. Bulevar Zorana Đinđića 8a, 11 000 Beograd, Republika Srbija (Kupac), koji je sastavni dio SBB-Telemach Grupe i privrednog subjekta BMB Electronic Ljubljana Slovenija, matični broj: 5966728, vlasnik (..)** dionica ((..)**% osnovnog kapitala BBM) u BBM, lica vlasnik (..)** dionica ((..)**% osnovnog kapitala BBM) u BBM, koje se vode na zbirnom kastodi računu kod Hipotekarne Banke Podgorica Crna Gora (“ Hipotekarna Banka AD Podgorica“), Čepnjak Bela, Murska Sobota Slovenija, JMBG: (..)** , vlasnik (..)** dionica ((..)**% osnovnog kapitala BBM) u BBM i Gordijan Jovan, Podgorica, Crna Gora, JMBG: (..)** , vlasnik (..)** dionica ((..)**% osnovnog kapitala BBM) u BBM (Prodavci).

Članom 2. Pisma o namjerama je propisano da (..)** može za vrijeme pregovora odrediti drugo društvo u sastavu SBB - Telemach Grupe da stupi na mjesto direktnog sticaoca u svrhu provođenja predmetne koncentracije.

Pismom o namjerama, Podnosilac prijave namjerava preuzeti (..)**% vlasničkog udjela u osnovnom kapitalu privrednog subjekta BBM. Provođenjem koncentracije, Podnosilac prijave će imati (..)**% vlasničkog udjela, a samim tim i jedinstvenu kontrolu nad privrednim subjektom.

U skladu sa članom 12. stav (1) tačka b) pod 1) Zakona, pravni oblik koncentracije predstavlja sticanje kontrole Podnosioca prijave kupovinom većine dionica ili udjela osnovnog kapitala Ciljnog društva.

4. Ocjena prijave koncentracije

Obaveza prijave koncentracije privrednih subjekata sa sjedištem u Bosni i Hercegovini, u smislu člana 14. stav (1) pod b) Zakona, u vezi sa članom 2. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 34/10), postoji ako ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,00%.

Ukupni godišnji prihodi privrednih subjekata učesnika predmetne koncentracije, sa podacima o prihodu relevantnom za predmetnu koncentraciju na dan 31. decembra 2013. godine, iznose:

Tabela 1.

KM	SBB-Telemach Grupa (konsolidovano)	BBM
Svijet	(..)**	(..)**
Bosna i Hercegovina	(..)**	-
Ukupno	(..)**	-

Izvor: podaci iz Prijave;

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Prema podacima iz Prijave (Tabela 1.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela, obzirom da BBM ne ostvaruje prihode na teritoriji BiH, pa je samim tim njegov tržišni udio 0%, a koncentracija se dešava na teritoriji Crne Gore, te stoga Konkurencijsko vijeće nije analiziralo relevantno tržište u Bosni i Hercegovini.

Na osnovu naprijed navedenog, utvrđeno je da privredni subjekt Slovenia Broadband nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

5. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednik

Gordan Raspudić